



Harald Bianco, Inuit Ataqtigiit  
Inatsisartunut ilaasortaq

INDGÅET

29 SEP. 2014

NAMMINERSORLUTIK OQARTUSSAT  
GRØNLANDS SELVSTYRE  
INATSISARTUT ALLATTOQARFIAT  
BUREAU FOR INATSISARTUT  
BOX 1060 - 3900 NUUK

**Tasiilami nunaqarfinnilu qilalukkanut qaqortanut qernertanullu pisassiissutit qaffannissaat kiisalu Ittoqqortoormiini nannuttassat pillugit Naalakkersuisunut apeqquteqaat nr. 189-mut akissuteqaat**

24-09-2014

Suliap normua. 2014-103908

All. nr. 1705793

Postboks 269

3900 Nuuk

Oqarasuaat (+299) 34 50 00

Fax: (+299) 34 63 55

E-mail: apnn@nanoq.gl

www.naalakkersuisut.gl

Inatsisartut suleriaasianni § 37, imm. 1 naapertorlugu apeqquteqaat Inatsisartuni ilaasortamit Harald Bianco-mit Inuit Ataqtigiinneersumit apeqqutigineqartoq Naalakkersuisunit ulloq 15. september 2014 tiguneqarpoq. Apeqqut oqartussaaffigisanniit akineqartussanngorlugu ingerlateqqinneqarpoq.

*Tasiilami eqqaanilu kiisalu Ittoqqortoormiini qilalugartassat Naalakkersuisuniit ilaniarneqarpat?*

1-imut

Tunumi qilalukkanut qaqortanut biologinit siunnersuisoqarsimanngilaq, taamaammallu taakkununga suli pisassiisoqarsimanani. Pinngortitaleriffiup kalerriutigaa Svalbard-ip eqqaani qilalukkanik qaqortanik uumasogatigeeqartoq, taakkulu Polynya-p eqqaani Avannaata kangiani Svalbardip Nunattalu akornanniittut. Qilalukkat qaqortat ikittuinnaasut Tunumi takuneqartartut tassaasinnaapput Svalbard-ip eqqaani uumasogatigiinneersut avissaaqqunnikut. Pineqartorli tamanna NAMMCO-mi eqqartorneqartussaavoq. Taamaattumik APNN massakkorpiaq Tunumi qilalukkanut qaqortanut pisassiissutinik atuutilersitsissalluni pilersaaruteqanngilaq, taamaattorli pisassat annertunerpaaffilerneqarnissaat mianersortumik tunngavissat tunngavigalugit periaaseqarnissaq eqqarsaatersuutigeqarpoq.

Tasiilami nunaqarfinnilu qilalukkanut qernertanut tunngatillugu NAMMCO-mit aamma JCNB-mit ataatsimoortumik ilisimatuussutsikkut kingullermik inassuteqartoqarpoq 2012-imi. Siunnersuineq nutaaq pigineqalersinnagu taannalu tusarniaareernerup kingorna APNN-imit nalilersorneqarsimatinnagu Tasiilami nunaqarfinnilu qilalukkanut qernertanut pisassiissutit allanngortinnissaannik Naalakkersuisut pilersaaruteqanngillat.

Ukiuni kingulliunerusuni NAMMCO/JCNB-imit siunnersuinerme erseqqissarneqarpoq Tunumi qilalukkat qernertat uumasogatigiit assigiinngitsut marluusut, Ittoqqortoormiit eqqaanniittut sananeqaatimikkut Tunumiittut sinnerinut assingusuunatik. Taamaammatt Ittoqqortoormiini pisassiissutit sinneruttut Tasiilap aqutsiveqarfianut nuunneqarnissaat periarfissaqanngilaq.

*Ittoqqortoormiini nannuttassat Naalakkersuisuniit ilaniarneqarpat?*

2-mut

Pinngortitaleriffik 2014-2018-imut Tunumi nannunik annertuumik misissuilluni aallartippoq. Siusinnerusukkut aallartissalluni periarfissaqarsimanngilaq, tassami Pinngortitaleriffiup Kitaa pingaartinnerusimavaa, tamaani ataatsimoortumik Canadami Kalaallillu Nunaanni pisarineqartut amerlanerusimammata nukinnillu atuiffiusimallutik.

Tunumi nannunik siunnersuinissami suliassaq ima annertutigaaq misissuinerit ukiuni arlalinni ingerlattariaqarlutik aningaasaliinissat pisariaqartinneqartut ilisimasaqalernissallu pissarsiarinissat eqqarsaatigalugit. Sumiiffimmi taamak annertutigisumi suli nannunik kisitsisoqarsimanngilaq. Naliliineq immikkoortunut misissuinerinulluunniit arfinilinnut avinneqassaaq:

1. Pisarineqartut misiligutissanik tigusiiffineqassapput (ingerlaavartumik): Qanoq ukioqarneri DNA-millu misissueqqissaarnerit
2. Oqaloqateqarnerit aqputigalugit misissuinerit (2014-2015): Nannut amerlassusiisa, sumiittarnerisa, peqqissusiisa, nerisaasa, piniarneqarnerisa silallu pissusaannik sunnerneqarnerisa allanngorneri pillugit piniartut ilisimasaat.
3. Pisarineqartunut paasissutissat kiisalu atuakkiatigut misissuinerit takussutissaliornerat (2014-2015)
4. Kujataani satellite atorlugu nalunaaqutsersuinerit (2014-16). Nannut sumunnartarneri ilisimasaqarnerulerfigissallugit pisariaqarpoq nannut Tunumiittut uumasoaqatigiiaatut ataatsit arlalittulluunniit aqunneqarnissat paasisaqarfiginiarlugu. Ikummatissanik 2014-imi toqqortuisoqarpoq, 2015-imilu nalunaaqutsersuineq immiini aallartissaaq.
5. Nunap Allanngutsaaliugassat Immikkoortitap kujataani pisarianik/pisareqqitanik kisitsineq (2016-2018): Inernertut ilimagisani sumiiffinni nannut pisarineqartut amerlassusaanut paasissutissat ilanngunneqarput, Ittoqqortoormiiniit Ammassallup tungaanut nannut amerlassusaat paarlaattarnerallu, qassiunerisalu nalinginnaasumillu amerliartornerat pineqarput.
6. Nunap Allanngutsaaliugassat Immikkoortitap kangiani uuliamik ujarlerfimmi kisitsineq (2015-2018): Uuliamik ujarlernissamut akuersissuteqarnernut atatillugu Nunami Allanngutsaaliugassat Immikkoortitami nannunik kisitsisoqarnissaanut aningaasanik Pinngortitaleriffik qinnuteqarsimavoq.

Misissuinerit tamarmik ingerlanneqareerpata aatsaat Tunumi nannut pillugit killiffik naliliiffineqarsinnaalissaaq, taamatuttaarlu ilisimatuussutsikkut siunnersuilluarsinnaasoqalissalluni.

Siunnersuineq pigineqalertinnagu mianersornissamik tunngavissat tunngavigalugu periaaseqarnissaaq APNN-imit isummersuutigineqarpoq. Taamaammat Tunumi nannut pisassiisutigineqartut allanngortissallugit massakkorpiaq pilersaaruteqartoqanngilaq.

Inussiarnersumik inuulluaqqusillunga

Finn Karlsen